SERMON TREIZIESME,

DELA

# DEFENSE

FAITE AVX

Fideles de s'accoupler auec les infideles.

SVR

2. Corinchiens Chap. 6. verf. 11. 12. 13 14. 15.

V. 11. O Corinthiens, noftre bouche est ounerte enners vous, nostre cœur s'est estargi.

12. Vous n'estes point à l'étroit dedans nous, mais vous estes à l'étroit dedans vos entrailles.

13. Or pour nous recompenser de mesme (ie parle comme à mes enfans) estargises-vous außi.

14. Ne vous accouplés point avec les infideles.

Sermon XIII. 623

fideles. Car quelle participation y a-il de iustice auec iniquité? & quelle com-

munion y a-il de la lumiere auec les tenebres?

15. Et quel accord y a-il de Christ auec Belial? on quelle portion a le fidele auec l'infidele? Et quelle connenance y a-il du Temple de Dieu auce les idoles.

'APOSTRE Sainct Paul disoit aux Corinthiens au chap. 11. de sa seconde Epistre, le suis ialoux de vous

d'une ialousse de Dieu: car ie vous ay appropries à un seul mary, comme une Vierge chaste à Christ. Par lesquelles paroles l'Apostre represente deux choses, l'vne est la grande pureté en laquelle les fideles doiuent garder leurs ames, comme estans honorées d'vn mariage spirituel auec Iesus Christ nostre Seigneur. Car plus ce mariage nous est à aduantage & agloire, plus nous sommes obligez de garder à cet Espoux diuin & celeste vne chasteté entiere, & euiter auec soin tout ce qui nous pourroit engager dans les fuperstitions & les faux seruices du monde, qui sont les choses que l'Escriture saincte appelle vne paillardise spirituelle, & lesquelles esmeuuent la ialousie de Dieu.

L'autre chose est, que les sideles seruiteurs de Dieu reuestent pour l'interest de leur maistre vn esprit de saincte ialousie, contre tout ce qui pourroit destourner les sideles de la pureté du seruice de Dieu, & rapportent tout ce qu'ils ont d'assection pour les sideles à conseruer & aduancer leurs ames en la soy & en la sanctification.

C'est ce que nous voyons, mes Freres, és paroles que nous venons de vous lire, selon la suite ordinaire de nostre textes là où l'Apostre apprehendant que les Corinthiens ne se destournassent de la purcté du seruice de Dieu en Iesus Christ, par l'induction des faux Docteurs qui estoient au milieu d'eux, rapporte toute l'affection & les tendresses qu'il a poureux à les conseruer en la communion de Iesus Christ, & à les retirer de toutes trop estroites communications auec les insideles & idolatres, de peur qu'elles

qu'elles ne les engageassent en leurs idolatries & superstitions. O Corinthiens, dit-il, nostre bouche est ouverte envers vous, nostre cœur s'est estargy, vous n'estes point à l'estroit dedans nous, mais vous estes à l'estroit en vos entrailles. Or pour nous recompenser de mesme (ie parle comme à mes enfans) estargissez vous aussi. Ne vous accouplez point auec les insideles. Car quelle participation y a-il de instice auec iniquité? Es quelle communication y a il de la lumière auec les tenebres? Et quel accord y a-il de Christ auec Belial? ou quelle portion a le sidele auec l'insidele? Es quelle convenance y a-il du Temple de Dieu auec les Idoles.

Or pource que cette exhortation de l'Apostre à ne s'accoupler auec les insideles, alloit à faire vne grande distraction de plusieurs estroites liaisons que les Corinthiens auoient auec leurs concitoyens & autres insideles, laquelle leur causeroit du dommage en leurs affaires terriennes, & trauerseroit leur subsistance parmy leurs Concitoyens, l'Apostre prend grand soin d'asseurer les Corinthiens des tendresses qu'il auoit pour eux, afin qu'ils n'attribuassent pas à quel-

laquelle les leparant de plusieurs haifons auec leurs concitoyens Payens, preiudicioit à leurs interests mondains, &
à leur repos temporel. Et desia cy-dessus
l'Apostre auoit monstré, que ce qui le
mouuoit estoit le soin qu'il auoit qu'ils
n'eussent pas receu la grace de Dieu en
vain, & qu'à cela tendoit toute la solicitude qu'il auoit euë de rendre son ministere recommandable en toutes choses, à sçauoir, à ne donner achopement
au salut d'aucun. Nous auons donc à
considerer trois choses.

1. L'affection de l'Apostre enuers les Corinthiens.

2. L'exhortation qu'il leur fait de ne s'accoupler point auec les infideles.

3. La raison qu'il en allegue.

## I. POINCT.

Quant à son affection enuers les Corinthiens, ill'exprime en ces mots; 0 Corinthiens, nostre bouche est ouverte envers veus, nostre cœur s'est essargy, vous n'estes point à l'estroit dedans nous. En quoy il y Sermon XIII.

627

a deux choses: l'vne, la liberté dont il a vsé enuers les Corinthiens, à sçauoir, de parler à bouche ouverte; & l'autre, la cause & la source de cette liberté, à sçauoir, l'affection laquelle il auoit pour eux, les ayant en son cœur.

La liberté de parler à bouche ouuerte est double. L'vne est essentielle, à sçauoir, de ne rien retenir à dire des choses necessaires à salut : Selon que l'Apo- Att. 20. stre disoit aux Ministres & Anciens de l'Eglise d'Ephese; Ien'ay rien retenu à dire des choses qui vous estoient vtiles, que ie ne vous les aye preschees & enseignees publiquement & par les maisons. Et la mesme, Ie ne me suis point retenu que ie ne vous aye annoncé tout le conseil de Dieu. Et à cet es- Eph.6. gard il exhorte les Ephesiens de prier Dieu pour luy, afin que parole luy soit donnée à bouche ouverte en hardiesse, pour donner à connoistre le secret de l'Euangile. Mais il y a vne autre sorte de liberté qui estaccidentelle, & n'a lieu que selon les circonstances du sujet, du temps, & des personnes: Et telle est celle que nostre Apostre entend dans nostre texte, voulant dire qu'en la reprehension des Co628 Ne s'accoupler auec les infideles.

rinthiens, & en la correction qu'il a faite de leurs manquemens, il a vsé de plus de liberté & de seuerité qu'il n'eust fait, s'il eust eu moins de liaison auec eux. En effect, bien que les Ministres de l'Euangile, en la reprehension des vices publics, doiuent se souuenir du commandement que Dieu auoit fait à son Prophete Esaye, Crie à plein gosier, ne t'espargne point, esleue ta voix comme un cornet, & declare à mon peuple leur forfait, & à la maison de Iacob leurs pechez, & qu'ils ne doiuent iamais flatter les pecheurs & complai e aux hommes. (Car, comme dit l'Apostre Gal.1. Si ievoulois complaire aux hommes, ie ne serois pas seruiteur de christ) neantmoins en l'application des reprehensions aux particuliers, il faut apporter de la discretion & de la diuersité. Iadis quand Dieu inspiroit les Prophetes, mettant en leur bouche les propres termes dont ils auoient à vser, iln'y auoit rien à discerner ny à retenir. Mais sous le nouueau Testament Dieun'agissant pas ainsi par les Ministres ordinaires de sa parole, il requiert leur prudence pour considerer ce qui est expedient

felon

selonles circonstances, & pour n'vser ny de mesme vehemence, ny de mesme liberté enuers tous : selon que S. Iude parle d'vser de discretion enuers les pecheurs; Ayez (dit-il) pitie des uns, vsans de discretion; & saunez les autres par frayeur, comme les arrachans hors du feu. Entreautres choses les habitudes & liaisons particulieres donnent leur degré de liberté. Comme l'Apostre ayant conuersé long-temps parmy les Corinthiens,& ayant esté l'organe de leur conuersion à Dieu, auoit, comme leur pere en lesus Christ, vne authorité & liberté particuliere enuers eux. Et vne telle liberté à reprendre auec seuerité doit estre receuë en la maniere que propose le Prophete Pfal. 141. Que le iuste me martele, ce me sera un baume excellent, il ne blessera point ma teste.

Aussi l'Apostre monstre que la cause & la source de cette liberté est l'amour qu'il porce aux Corinthiens, quand apres auoir dit, Nostre bouche est ouverte envers vous: Il adiouste, Nostre cœur s'est estargy, vous n'estes point à l'estroit dedans nous. De l'abondance du cœur la bouche parle,

Rr

dit nostre Seigneur IESVS. L'abondance de l'amour que les peres & meres ont pour leurs ensans, leur ouure frequemment la bouche en reprehensions seueres. Et cela a du rapport à la conduite du Seigneur enuers nous, lequel reprend soigneusement ceux qu'il aymet selon que l'Apostre dit apres Salomon, Heb.12. Mon fils ne mets point à nonchableir la correction du Seigneur. Car Dieu chassie celuy qu'il ayme, et souette tout enfant qu'il aduoüe.

Or les termes dont l'Apostre exprime son affection enuers les Corinthiens sont remarquables: Nostre cœur, dit-il, s'est estargy, vous n'estes point à l'estroit dedans nous. Comme voulant dire qu'il portoit les Corinthiens dedans son cœur, & qu'il leur auoit donné vne place bien large dedans son ame.

L'amitié, mes Freres, est d'une si merueilleuse efficace, qu'on a grand' peine de l'exprimer; & de là vient qu'on l'exprime par des effects tres-differens. On dit qu'elle transporte nos esprits aux obiects, comme s'ils sortoient hors de nous pour se porter aux obiects, selon qu'on

dit

dit que l'ame est plus là où elle ayme que là où elle anime. Et au contraire, on dit que l'amitié attire à nous les choses que nous aymons, comme si elle les apportoit dedans nous, au lieu de nous porter vers elles. Certes l'amour remplit nos esprits de la chose que nous aimons par les images qu'elle en forme dans nos esprits, qui y tiennent lieu de la chose mesme : & ces images estans ainsi dedans nous sont nostre plaisir & contentement. Et nous les considerons auec telle efficace, qu'elles nous transforment par fois en leur semblance. L'Escriture saincte regarde cette efficace de l'amour, quand, pour les choses du Royaume des Cieux, elle dit que Christ est en nous, qu'il habite & demeure en nous. Etqu'est ce que son image dedans nous, que le nouuel homme qui y est formé, creé selon Dieuen iustice & vraye faincteté?

Or comme l'amour est dite mettre les choses dedans nous, aussi est elle dite leur donner plus ou moins de place, selon qu'elle est plus grande ou moindre; comme à cet esgard l'Apostre dit aux 632 Ne s'accoupler auec les infideles.

Corinthiens, Mon cœur s'est estargy, vom n'estes pas à l'estroit dedans nous. Carencor que dedans nos esprits il ne s'agisse pas d'estenduë & d'espace, nos esprits estans des substances spirituelles, qui n'ont aucune matiere qui les estende pour occuper de l'espace : neantmoins les choses que nous aymons beaucoup sont considerées comme occupans vn grand lieu dedans nous, pource qu'elles occupent beaucoup de nos pensées & affections: leur image nous estant presque tousiours presente, comme si elle remplissoit nos esprits. Au contraire, les choses que nous n'aimons guere, se presentent peu à nos pensées, comme si leurs images n'auoient guere de lieu dedans nous, selon que les choses qui ont peu d'estenduë & d'espace ne paroissent guere.

Voila quant à la façon de parler, sur laquelle considerez que iadis le sonucrain Sacrificateur deuoit porter sur sa poictrine les noms des douze lignées d'Israël. Ce qui estoit pour monstrer qu'il devoit avoir le peuple de Dieu en son cœur; & il estoit le type & la figure

de Iesus Christ, le grand Sacrificateur & souverain Pasteur de son Eglise, qui la porte en soy-mesme deuant Dieu. Et partant les Pasteurs doiuent, par quelque analogie & conuenance, auoir leurs troupeaux dedans leurs cœurs, par solicitude & par amour de leur bien & salut; & ils les y doiuent auoir non à l'estroit mais au large, toutes leurs pensées & leurs desirs estans rapportez à leur edification.

Mais si l'Apostre auoit tant d'amitié pour les Corinthiens, celle qu'ils auoient pour luy n'estoit pas égale; & la sienne lui donnoit suiet de se plaindre de la leur, en ces mots, Vous n'estes pas à l'estroit dedans nous, mais vous estes à l'estroit dedans vous, c'est à dire que la place qu'ils luy donnoient dedans eux estoit fort estroite: qui est ce qu'il dit 2. Corint. 12. qu'encor qu'il les aimast tant & plus, il estoit moins aymé d'eux. Partant l'Apostre leur demande maintenant que, pour recompense de son amitié, ils s'estargissent enuers luy. (Car l'amour ne peut estre bien recompensé que par vn reciproque amour. ) Et l'Apostre pour les

634 Ne s'accoupler auec les infideles. obliger entrelace ces mots, le parle comme à mes enfans, leur ramenteuant qu'il les auoit engendrez à Iesus Christ, & partant qu'il auoit enuers eux vne dilection paternelle. Or enuers qui est ce que des enfans eslargiront leurs cœurs, si ce n'est enuers pere & mere? Que si vne generation spirituelle ne nous oblige pas moins enuers ceux qui nous l'ont donnee qu'vne generation charnelle, il n'y a que les impies & profanes qui defaillent à la gratitude qu'elle merite.

#### II. POINCT.

Or l'Apostre rapporte toute la gratitude qu'il demande aux Corinthiens à ce poind, Ne vous accouplez point auc les infideles. En quoy il se monstre vrayement leur Pere, de ne regarder sinonà leur propre interest, & à leur salut. Le mot Grec qu'on traduit accoupler, signifie mettre sous vn mesme joug, & non seulement il signisse mettre sous vn melme joug, mais y mettre des choses differentes, comme quand, pour labourer, il aduiendra qu'on mettra sous vn melme joug vn bœuf & vn cheual, ou vn cheual & vn asne. Or est à remarquer qu'en la loy Mosaïque, Dieu auoit defendu telle sorte d'accouplemens de bestes de differentes especes sous vn mesme joug, Deuter. 22. Tu ne laboureras point auec un asne & un bouf ensemble. Et Dieu auoit joint à cela vne defenseapprochante, à sçauoir, la defense de plantervne vigne de diuerses sortes de plants, & celle de se vestir de drap tissu de diuerses especes, comme de laine & de lin ensemble. Lesquelles defenses regardoient deux choses morales; l'yne estoit que les Fideles s'estudiassent à l'vniformité de leur vie dans vne continuelle crainte de Dieu & obeissance à ses commandemens; ce qui est opposé à vne conduite bizarre & extrauagante, qui mesleroit le mal auec le bien, le vice aues la vertu, & laquelle en faisant quelques bonnes œuures se licentieroit à des mauuaises : comme il y en a dont la vie se trouue bigarree de bien & de mal. L'autre chose que ces desenses legales & figuratiues regardoient, estoit celle que nostre Apostre propose icy, à sçauoir,

636 Ne s'accoupler auec les infideles. que les fideles ne s'affociaffent pas, ou ne contractassent pas leurs estroites liaifons & amitiez auec des infideles, mais auec des domestiques de la foy, de peur qu'vne estroite liaison & communication aucc ceux-là ne les corrompist, & ne les destournast de la vraye pieté, selon que les maduailes compagnies corrom-

pent les bonnes mœurs.

Or nous estimons que les paroles de l'Apostre doiuent estre prises en cesens general, lequel nous distinguons d'auec le sens particulier de defendre les mariages entre personnes de contraire Religion. Ce n'est pas que nous ne reconnoissions que les termes que l'Apostre employe comprennent la defense des mariages entre personnes de diuerse Religion. Mais c'est que le but & le propos de l'Apostre passe encor plus auant, & s'estend à toute liaison & communication auec les infideles, quipourroit les destourner de la pieté, & les engager en la superstition. Car quant aux mariages auec des infideles, l'Apoltre ne pouvoit avoir pour but de les defendre, pource que de son temps il ne s'en faifoit

soit point de cette sorte, n'y ayant alors aucun Chrestien qui ne presupposast qu'ils estoient entierement illicites. Car vous voyez 1. Cor.7. que les Corinthiens, bien loin de pretendre de pouvoir contracter des mariages auec des personnes infideles, faisoient scrupule de plus demeurer & habiter auec les personnes qu'ils auoient espousées auant leur conuersion, si elles ne vouloient se ranger à laprofession de la Religion Chrestienne. Et de fait, quand les Corinthiens eurent escrit à l'Apostre leur scrupule sur ce suiet, & la crainte qu'ils auoient que les enfans qui leur naistroient d'vne partie infidele, ne fussent exclus dubenefice de l'Alliance de Dieu : l'Apostre leur respondit, si quelque frere a vne femmeinfidele, & elle consent d'habiter auec luy, qu'il ne la delaisse point : & si quelque femme a un mari infidele, & il confent d'habiterauec elle, qu'ellene le delaisse non plus. Car le mari infidele est sanctifié en la femme, & la femme infidele est sanctifiee au mari: autrement vos enfans seroient pollus: Or maintenant ils sont saincts. Que sçais tu femme, si tu sauueras ton mari? ou que sçais-tu, mari,

638 Ne s'accoupler auec les infideles. fi tu sauveras ta femme? Il n'y a donc nulle apparence que ceux là estimassent pouvoir contracter mariage auec des parties de differente Religion, qui pensoient que la difference de Religion pourroit dissoudre des mariages dessa contractés.

Qu'est-ce doncques, direz vous, que l'Apostre veut desendre ? le respon que l'Apostre voyoir que les sideles de Corinthe portoient leurs liaisons ciuiles auec leurs concitoyens infideles si auant qu'ils alloient iusques à se polluër de leurs superstitions: pour exemple les iours esquels leurs amis presentoient des sacrifices à leurs idoles (qui estoient des jours de réjouyssance & de festin) les Chrestiens y estans conuiez s'y troumoient, & ainsi participoient aux ceremonies & dependances du seruice des idoles, & se souilloient deuant Dieu. Et pource qu'ils se desendoient, & qu'ils disoient, que ce qu'ils en faisoient n'estoit point par communion de Religion, mais simplement par societé politique & communication ciuile, qui seruoit à entretenir l'amitié de leurs concitoyes,

& qui les garentissoit de la persecution, laquelle la haine de l'Euangile attireroit sur eux. L'Apostre leur monstre. 1. Cor. 10. que se trouuans dans le temple des idoles & y mangeans des viandes qui leur estoient sacrifiées, & beuuans du vin qui leur estoit consacré, ils auoient communion auec les idoles, tout de mesme qu'entre les Chrestiens la coupe de benediction laquelle nous benissons est à ceux qui y participent la Communion du Sang de Christ, & le pain que nous rompons est à ceux qui le mangent la Communion du Corps de Christ: & tout de mesme qu'en l'ancien Israël, ceux qui mangeoient des sacrifices estoient participans de l'Autel. Et quant à ce qu'ils pretendoient euiter la persecution en s'entretenant ainsi auec leurs concitoyens, l'Apostre leur represente que tentation ne les avoit saises sinon humaine: & que Dieu est fidele, lequel ne permettroit point qu'ils fussent tentés outre ce qu'ils pourroient porter, mais donneroit issue auec la tentation, afin qu'ils la peussent soustenir, partant qu'ils fuissent arriere de l'idolatrie. Ce qui estoit leur dire que ce n'estoit pas

& qui

640 Nes'accoupler auec les infideles. leur complaisance à leurs concitoyens qui les auoit iusque-là garentis, & qui les garentiroit à l'aduenir, mais que c'estoit la fidelité & la protection de Dieu; & partant qu'ils se gardassent bien de s'en priuer en offensant Dieu, & en l'irritant par aucune participation à l'idolatrie.

Comme ainsi fust donc que les Corinthiens contractoient de telles liaisons ciuiles & politiques auec leurs concitoyens infideles, que par elles ils tomboiet en des actes de superstition & idolatries, l'Apostre veut que les fideles euitent telles occasions de peché, quelques politiques qu'elles puissent estre en elles mesmes. Car pour exemple, si bienle commerce estoit chosepolitique, il s'en rencontroit où il y auoit des oblations à faire aux idoles, ou bien il y auoit des Confrairies de deuotion. Partant l'Apostre defend aux fideles de contracter aucune liaison si estroicte auec les infideles qu'il leur fust difficile de se garder de participer à leurs faux seruices. Selon que Dieu avoit defendu au peuple d'Israël de traister des alliances

(qui estoient des liaisons purement politiques) auec les peuples de Canaan, de peur que la liaison ciuile & politique n'amenast la parricipation aux faux seruices. Donne toy garde ( auoit il dit Exod. 34.) de traicter alliance auec les habitans du pays auquel tu vas entrer, afin que parauenture quand ils viendront à paillarder apres leurs dieux, & à sacrifier à leurs dieux, quelqu'un ne t'apelle, & que tu ne manges de son sacrifice.

Ie passeplus outre, & dy que mesmes hors l'esgard au peril de s'engager dans la superstition, les sideles ne doiuent point auoir leurs plus grandes & plus estroites liaisons auec des personnes de Religion corraire. Car comme vn homme vertueux ne peut contracter vne estroite amitié auec vn homme vicieux, tant à cause de la diffemblance & contrarieté des mœurs, qu'à cause que le fondement d'vne vraye & honneste amitié doit estre la versu. De mesme l'homme qui fait profession de la pieté & de la pureté du service de Dieu, ne peut contracter ses plus estroites liaisons auec vne personne qui est dans la superstition

(qui

642 Nes'accoupler auec les infideles. & les faux seruices, tant à cause de la dissemblance & contrarieté des deugtions, qu'à cause que le lien de nos plus estroites communications doit estre la pieté & la connoissance de Dieu.

Que iugeroit-on d'vn enfant qui prendroit ses plus estroites amitiez & liaifons auec les ennemis de son pere? Ne diroit-on pas qu'il n'a nul amout pour fon pere ? Or ceux qui nous sont opposez en Religion sont dans le corps des ennemis de nostre Pere celeste. Partant fivous voyez que les plus grandes & les plus estroites habitudes d'vn homme de nostre profession, soient auec des personnes de Religion contraire, c'est vn tesmoignage que cet homme-là est vn mondain, qui ne fait pas son principal interest des choses du Royaume de Dieu, mais que celles-cy ne luy sont qu'accessoires.

Or ie parle icy des plus grandes & des plus estroites amitiez & liaisons, pour les distinguer d'auec les moindres & inferieures, que la Societé ciuile donne entre les concitoyens dans l'Estat ou dans la Republique, lesquelles nous laif-

fons

sons en leur entier, dans ce degré inferieur & lien moins estroit. Car quant aux plus grandes & plus estroites liaisons, il faut pour elles les liens que l'Apostre propose Ephes. 4. quand il dit qu'il yavnmesme corps & vnmesme esprit, une mesme esperance de nostre vocation, une mesme foy, un masme baptesme, un mesme Seigneur, un mesme Dieu & Pere de tous, qui est sur tous & parmy tous, & en tous. Nos grandes liaisons doiuent estre auec ceux auec lesquels nous viurons eternellement, & non auec ceux qui seront separez d'auec nous pour iamais.

Adioustez que la pieté n'est pas en nous comme vne plante en son terroir naturel, mais comme vne plante en vne terre estrangere, où elle abesoin d'estre entretenuë & aduancee. Or la communication auec des personnes de Religion contraire ne l'aduancera pas. Au contraire, si ces personnes là ont du zele pour leurs superstitions, elles combattront nostre pieté, & pourront en affoiblir l'estime & l'affection dans nos esprits; & diuerses attaques (par la foiblesse de nos esprits & par nostre nati-

relle inclination au mal) luy donneront des atteintes nuisibles. Le moindre mal sera, en ces estroites communications, que ces personnes-là ne nous parlent point de la pieté: mais ie demande si c'est ainsi que nous deuons viure, qu'en nos plus estroites & plus intimes communications nous ne parlions point du service de Dieu, & des choses du Royaume des Cieux? Cela est-ce viure en sideles, ou en hommes charnels & profanes?

Ie viens maintenant aux mariages qu'on contracteroit auec des personnes de religion contraire. Car si l'Apostre par les termes de s'accoupler & mettre sous vn mesme joug, entend generalement contracter des estroites liaisons de la vie & conuersation, il s'ensuit tresfortement qu'il desend de contracter mariage auec des personnes d'autre religion que la vraye, veu que de toutes les liaisons ciuiles le mariage est la plus estroite, comme estant l'union qui fait que deux personnes deuiennent une chair, & viuent ensemble en communion de biens & de maux, & s'unissent

en des enfans, prouenus de la chair & du sang de l'vn & de l'autre. Aussi les Latins ont exprimé les mariez par vn mot qui signific ceux qui sont sous vn mesme

Certes, c'est chose estrange que des personnes faisans profession de la vraye pieté, contractent une telle liaison auec de personnes de profession contraire: Car il faut que ce soit vne liaison qui se passe sans prier Dieu ensemble, & sans parler de son vray seruice, & de ce qui luy est agreable, sinon en se querellant,& sans pouvoir donner à ses enfans des pures impressions de la pieté: l'exemple & l'authorité de l'vn & de l'autre ayant sa force sur les poures & foibles esprits des enfans, pour les tirer tantost d'vn costé, tantost de l'autre, desorte qu'ils ne sçauront que croire, & seront sans religion en leurs cœurs, & suiuront, comme purs mondains & impies, celle la seule qui les accommodera le plus selon la chair, O malheureuses personnes ausquelles la pieté, & leur propre salut, aussi bien que celuy des enfans que Dieu leur donneroit, a esté en mespris, & lesquelles n'ont 646 Ne s'accoupler auec les infideles. eu esgard & affection qu'aux interess de la chair. Telles personnes (si nous pesons le raisonnement de l'Apostre 1. Cor.6.) se separent du corps mystique de Christ, en se faisant vne mesme chair auec vne partie engagee dans vn faux service, que l'Escriture Saincte appelle paillardise: car vne paillardise spirituelle n'est pas moins incomparible auec Phonneur d'estre membre de Christ, que

la corporelle: Partant quiconque se fait membre d'une personne coulpable de paillardise spirituelle, se priue de l'honneur qu'il auoit d'estre membre de

Christ, ne pouuant estre membre de I'vn & de l'autre tout ensemble.

Ces sortes de mariage ont esté de tout temps la ruine de l'Eglise de Dieu, & la fource de tous maux. Qu'est-ce que nous lisons Genes.ch.6. qu'il aduint que quand les hommes eurent commencé de multiplier sur la terre, & qu'ils eurent engendre des filles, les enfans de Dieu voyans que les filles des hommes estoient belles, en prindrent à femmes pour eux de toutes celles qu'ils choistrent. Sur quoy à cause de la deprauation & de l'impieté qui en prouint,

nous lisons que Dieu se repentit d'auoir fait l'homme, & resolut de le racler de dessus la terre; C'est que du remps de Seth separation s'estant faite de ceux qui invoquoient le nom de l'Eternel, d'avec la race impie & prophane de Cain, laquelle viuoit fans religion; Cette fainde separation laquelle auoit distingué les enfans de Dieu d'auec les enfans des hommes, par desaffemblées où le nom de Dieu estoit inuoqué, subsista tandis que les fideles n'eurent point de commerce auec les filles de la posterité de Cain. Et elle fut aneantie par les malheureux mariages que les fideles (emporrez par la convoirife de la chair) contracterent auec les filles des mondains. D'où vint l'horrible corruption pour laquelle Dieuenuoya le deluge sur la terre. Et quand les enfant d'Ifrael estoient au desert, Balaam n'ayant peu pronon- Nomb. cer aucune malediction contre eux, ne ch.25. 6 trouva point de meilleur moyen pour perdre Israel, qu'en conseillant de l'attirer, par l'amour des femmes Moabites, au seruice de leurs Dieux. Elles connievent, est-il dit Nombr. 25, le peuple aux sa-

648 Ne s'accoupler auec les infideles. crifices de leurs Dieux, & le peuple en mangea & se prosterna deuant leurs Dieux. Et par quel autre moyen fust-ce que Salomon decheut de sa merueilleuse prosperité & incomparable gloire, que par celuy des femmes infideles qu'il auoit espousées, lesquelles l'engagerent au seruice de leurs Dieux? Il aduint, dit l'Historien sacré 1. Rois II. sur le temps de la vieillesse de Salomon, que ses femmes firent destourner son cœur apres d'autres Dieux, ausquels il bastit des autels. Cet exemple de la ruine du plus sage des hommes ayant esté proposé pour donner frayeur à tous fideles, & pour leur monstrer que quand leur sagesse egaleroit celle de Salomon, elle sera aneantie par des mariages auec des femmes infideles.

Aussi l'Escriture Saincte estoit expresse en la desense de tels mariages. Exod. ch.34. Tu ne traicteras point alliance auec les habitans du pays, & ne prendras point de leurs filles, lesquelles paillardans apres leurs Dieux, feront paillarder tes fils avec leurs Dieux. Et Deuter.7. Tu ne t'allieras point par mariage anec les peuples du pays, & ne donneras point tes filles à leurs fils, &

ne prendras point leurs filles pour tes fils. Car elles destourneroient tes fils arriere de moy, Gils seruiroient à d'autres Dieux, & la co. lere de l'Eternel s'embraseroit contre toy.En suite les Prophetes ont parlé de ces mariages-là, comme d'iniquitez extremes contre Dieu & contre son alliance. Iuda, dit Malach. chap. 2. s'est porté desloyaument, & abomination a esté commise en Israël & en Ierusalem. Car Iuda a pollué la Saincteté de l'Eternel qui l'aimoit, & s'est

marie à la fille d'un Dieu estrange.

Mais il nous reste d'examiner le mot d'infideles que nostre Apostre employe dans nostre texte. Ce mot signifie tant incredule qu'infidele, & est opposé au mot de croyant. Et du temps de nostre Apostre il estoit appliqué à tous ceux d'entre les Iuifs & les Gentils qui n'auoient pas receu l'Euangile de Iesus Christ. Et c'est ainsi que ce mot se prend au passage cy-dessus allegué, 1. Cor. 7. Si quelque frere a une femme infidele, & elle consent d'habiter auec luy qu'il ne la delaissepoint; & si quelque femme a un mari infidele, & il consent d'habiter auec elle, qu'elle ne le delaisse point aussi. Et 1. Cor. 14. Si \* 650 Nes'accoupler auec les infideles.

l'Eglife s'assemble en vn, & tous parlent
langages estranges, & des infideles y entrent, ne diront-ils pas que vous estes hors
du sens?

Mais, afin de connoistre l'estenduë de ce mot; bien que nostre Apostre ne l'applique qu'aux Iuifs & aux Payens, (pource que de son temps il n'y auoit point d'autres infideles) il ne laisse pas de fignifier en general quiconque n'est pas dans la communion de la vraye foy, & en ce sens l'infidelité comprend les erreurs & les faux seruices qui chocquent les fondemens de la foy, qui est ce qu'on appelle heresse. Et icy nous auons à remarquer, que l'Escriture sain-Ete ne nous propose pas simplement l'ancienne infidelité Payenne ou Iudaique, qui estoit du temps des Apostres, mais aussi vne posterieure & subsequente, laquelle se formeroit par vne apostasse & revolte de la foy Chrestienne, laquelle aduiendroit és derniers temps: selon que l'Apostre dit 1. Tim. 4. que l'Esprit dit noramment qu'és derniers temps quelques-vns se revolteront de la foy, s'addon. nans aux espries abuseurs, és aux doctrines des diables, defendans de se marier, commandans de s'abstenir des viandes que Dieu a creées pour en vser auec action de graces. C'est encor cette apostasse dont il dit 2. Thess. 2. que le jour du jugement ne viendroit point que premierement ne soit aduenue la revolte, & que l'homme de peché ne soit reuelé, le fils de perdition qui s'oppose ou s'esteue par dessis tout ce qui est nomme Dieu, ou qu'on adore, insqu'à estre asis comme Dieu au Temple de Dieu, se portant comme s'il estoit Dieu. Cette infidelité donc deuant auoir lieu, sa communion est interdire aux fideles. Et les paroles de la suite de nostre texte le verissent: Car ce que l'Apostre allegue des Prophetes pour verifier qu'on ne doit point s'accoupler auec les infideles, à sçauoir ces mots: [ Departez-vous du milieu deux, & vous en separez, & ne touchez à chose quelconque souillee, a dit l'Eternel des armées | lemblables à ceux-cy, Sortez hors de Babylon, fuyez arriere des Chaldeens, estoient addressez par Esaie chap.52. & 48. aux enfans d'Ifraël, à ce qu'ils se separaffent de la Babylon Chaldeenne qui les tiendroit en captiuité; laquelle a esté

des

65: Ne s'accoupler auec les infideles. laquelle a esté type & la figure de la se (ce qui est la definition de l'idolatrie) conde & mystique Babylon, laquelles elle doit estre comprise sous le nom des formeroit és derniers siecles du nouveau insideles auec lesquels nostre Apostre Testament, par vne corruption & reuol desend de s'accoupler. Car c'est pour mon peuple, afin que vous ne participiez à Cieux. Et quelque diuersité d'idolatrie playes. Il est donc euident que sous le quine priue du salut. mot d'infideles, sont compris ceux qui se souilleroient des corruptions & faux seruices de la derniere Babylon, laquelle seroit le siege de l'Antechrist. D'abondant nostre Apostre explique en suite le mot d'infidelité en general par le seruice des Idoles; quand il dit, Quelle connenance y a-il du Temple de Dieu auec les Idoles? Et certes l'idolatrie rompt & dissout l'vnion de la creature auec Dieu, ainsi que l'adultere rompt & dissout le mariage. Partant si vne societé se pretend estre du corps des fideles, pource qu'elle aura le baptesme & le symbole de la foy Chrestienne, si d'ailleurs elle adore ce qui n'est point Dieu, & rend à la creature l'honneur qui est deu au Createur

te de la foy Chrestienne. En effect, c'et l'interest du salut que l'Apostre fait cetau peuple Chrestien des derniers temps, te defense. Or est il dir, que les idola-1. Cor. 6. que Dieu dit Apoc. 18. Sortez de Babylon, tres n'heriteront point le royaume des Eph. 5.5. ses pechez, & que vom ne receuiez de ses qu'on puisse alleguer, il n'y en a point

#### III. POINCT.

Viennent maintenant les raisons que l'Apostre ailegue pour fortisser la defense qu'il fait de s'accoupler auec les infideles, en ces mots, Car quelle participation y a-il de iustice auec iniquité? & quelle communication y a-il de la lumiere auec les tenebres? & quel accord y a il de Christ auec Belial? ou quelle portion a le fidele auecl'infidele? ou quelle conuenance y a-il du Temple de Dieu auec les idoles? Cette raison est prise de la nature des contraires qui ne peuvent subsister ensemble, & on ne peut pretendre qu'ils soient ioints ensemble (comme pour exemple le feu & l'eau) sans combattre le sens commun.

La iustice & l'iniquité sont des habitudes & qualitez morales, totalement opposees l'une à l'autre. Or les fideles ont esté regenerez par le S. Esprit pour cheminer en iustice & saincteré, & ont esté deliurez de la seruitude du peché & des erreurs en laquelle ils estoient naturellement. Mais les infideles sont demeurez en cette seruitude-là, & en la corruption originelle selon toute son estenduë, tant de diuerses iniquitez que des erreurs & superstitions du monde. Partant, puis que Dieu a opposez les vns aux autres par des qualitez si contraires, vouloir les accoupler ensemble est combattre l'œuure de Dieu & de sa grace.

Et quant à la lumiere & aux tenebres, fi dedans la nature elles sont d'une contrarieté euidente au sens commun, la lumiere morale de la connoissance de Dieu, & les tenebres de l'ignorance & du vice & des saux seruices, ne sont pas moins opposées l'un à l'autre. Or est-il que Dieu a appellé les sideles des tenebres à sa merueilleuse lumiere, à ce qu'il pe participent plus aux œuures de tenebres selon que l'Apostre dit Ephel. 5. Vous

estiez

estes lumiere au Seigneur: cheminez donc comme enfans de lumiere, & ne communiquez point aux œuures infructueuses de tenebres, mais redarguez les plustost. Quelle liaison donc peuvent contracter les enfans de lumiere auec les enfans de tenebres?

Mais fi nous confiderons les deux chefs fous lesquels les uns & les autres font rangez, à scauoir Christ & Belial, ne drons-nous pas que c'est chose esloimee de toute iustice & raison, d'asso. cier les membres & sujets de chefs fi contraires? Car quel accord y a-il de Christ auec Belial, c'est à dire auec Satan? (le nom de Belial signifiant celuy quine vaut rien, & estant donné dans Escriture fain de aux garnemens & scelerats, & partant estant tres conuenable au Diable le chef des meschans.) Quel accord, dy ie, de Christ le fils bien-aymé de Dieu, auec Satan l'ennemy de Dieu? de Christ l'autheur de salutauec l'autheur de perdition? de Christ le Sainct des Saincts, auec le malin & le chef de toute meschanceté? de Christ 656 Ne s'accoupler anec les infideles. qui est la verité & la charité, auec le Diable menteur & meurtrier? Puis donc que ces deux chefs sont tant opposez, nul ne doit parler de joindre & affocier ceux qui leur appartiennent & leur sont assujettis; puis que ceux-ci ne peuuent estre convenablement joints finon en leurs chefs & par leurs chefs.

Et si, hors cet esgard aux chefs, vous considerez les sideles & les insideles entr'eux, Quelle part ou portion (dit l'Apostre) a le fidele auer l'infidele? Qui est le mesme que S. Pierre disoit à Simon le Magicien touchant la grace de Dieu,tu n'as point de part ne d'heritage en cette affaire. Le fidele a bien de la portion auec l'infidele entant qu'homme, & entant que citoyen d'vn mesme Estat & mesme Republique: mais non entant que fidele. Le fidele a Dieu pour sa portion & pour son heritage; & c'est en quoy le Prophete Psalm. 16. s'oppose à ceux qui courent apres vn autre Dieu. Car, apres auoir dit, Lesangoisses de ceux qui courent apres un autre Dieu seront multipliées, il adiouste, L'Eternel est la part de mon heritage. Secondement, le fidele a sa por-

tion

tion en l'esperance de la felicité du siecle à venir; au regard de quoy le Prophete au Pf. 17. s'oppose aux infideles & aux mondains : Seigneur , dit il , deliure moy des gens du monde, desquels la portion est enla vie presente, & turemplis leur ventre de ton thresor, & ils laißent le demeurant àleurs petits enfans: mais moy ie vertay ta face en iustice, & serai rassafie de ta ressemblance quand ie serai resueillé. Qui est ce donc qui voudra ioindre ceux qui n'ont nien de commun, & dont les interests font si differens

Finalement, le Temple de Dieu n'a nulle conuenance auec les Idoles: les Idoles estans vne abomination laquelle ne peut estre mise au Temple de Dieu sans vne impieté extreme, comme sut celle dont Manassé se rendit coulpable, duquel il est dit 2. Chron. 33. qu'il posa vne image taillee qu'il auoit faite en la maison de Dieu, & qu'il bastit des autels à l'armee des cieux, és deux paruis de la maison de l'Eternel, dont le courroux de Dieu s'épandit sur luy à tel poina, qu'il fut pris par l'armee des Chaldeens, & lié de doubles chaisnes d'airain, &

Tr

658 Ne s'accoupler auec les infideles. emmené captif en Babylone. Or les sideles sont vn temple spirituel au Sei-1. Pier. 2. gneur, selon que dit S. Pierre, Vous comme pierres vines estes edifiez pour estre une maison spirituelle. Et S.Paul, Vous estes edi-Eph. 2. fiez en lesus Christ pour estre un tabernacle de Dien en esprit. En lui tout l'edifice se leue pour estre un temple sainct au Seigneur. Qui est-ce donc qui voudra faire vne haison estroite du fidele, que Dieuapris pour son temple, auec la personne qui fert aux Idoles, de laquelle le cœur est comme le temple & l'autel où elles sont adorées? Et c'est l'argument que l'Apoftre deduit encor és versets suivans. C'elt pourquoy nous n'y infisterons pas d'a uantage.

## DOCTRINES ET

Maintenant recueillons quelques do-Arines de ce propos, & nous l'appli-

de parler dont l'Apostre a vsé pour exprimer son assection enuers les Corinthiens,

thiens, en disant qu'ils n'estoient point à l'estroit dedans luy, & qu'il auoit eslargy son cœur pour les receuoir, elle merite d'estre pesee. Car si les personnes aymées sont dites estre dans celle qui ayme, sans que ce soit corporellement; Pourquoy est-ce que nos Aduersaires ne pourront reconnoistre que Iesus Christ soit dit estre en nous par la foy & l'amour que nous auons enuers luy par la vertu de son Esprit? Donnerons nous moins à l'amour divin & surnaturel qu'au terrien & naturel? Et si c'est l'ame & non le corps qui reçoit la personne aymee dedans foy, pourquoy ne reconnoistront-ils que c'est dans l'ame, & non dans le corps, que Iesus Christ doit habiter? Et si c'est dans l'ame, & non dans le corps que se forme l'image de la chose aymee, ne voyent-ils pas que c'est dedans nos ames que Iesus Christ se forme par son image, selon que l'Apostre dit col.3 que nous sommes reuestus du nouuel homme, qui se renouuelle en connoisfance selon l'image de celuy qui l'a creé? Partant nous disons auec l'Apostre Eph. 3. que Iesus Christ habite en nos cœurs par

30

la foi, à sçauoir par des actes d'amour, selon que lesus Christ dit Iean 14. Si quelqu'on m'aime il gardera ma parole, & mon Pere & moi viendrons à lui, & ferons demeurance chez lui.

Mais en general en cette façon de parler de l'Apostre reconnoissons l'essicace de l'amour & charité, qui fait que plusieurs personnes sont vn cœur & vn ame, afin que nous nous estudisons à cette vertu, laquelle reunit si puissamment ce que le peché auoit separé par haines, enuies & contentions. Particulierement que les Pasteurs voyent icy leur deuoir enuers leurs troupeaux, à sçauoir de les porter en leur cœur par la solicitude de leur salut ; voire encor qu'ils ne receussent pas de leurs troupeaux vne reciproque affection, selon que l'Apostre a dit aux Corinthiens, qu'il estoit à l'estroit en leurs entrailles, bien qu'eux ne fussent pas à l'estroit en luy.

Mais montons de l'amour que l'Apoftre avoit pour les Corinthiens, & comme leur Pasteur, & comme leur Pere en Iesus Christ, les ayant engendrez à Dieu par l'Euangile; montons, dy-ie, de cet

amour à celuy que Iesus Christ le grand Pasteur des brebis, & le Pere celeste qui nous a engendrez à soy par son Esprir, ont pour nous. Car ie vous demande si Iesus Christ ne nous auoit pas au large dedans son cœur, quand il vint ici bas mourir pour nous? & ne nous y a-il pas encor maintenant, quand il se dit estre persecuté en nos personnes, & repute ce que l'on fait de bien ou de mal à vn de nous, luy estre fait? Et l'Escriture ne nous dit-elle pas de Dieule Pere celeste, que celui qui nous touche, touche la prunelle de zach. son wil? Que donc ce grand amour-là, chap. 2. mes Freres, nous oblige à essargir nos vers.8, cœurs pour receuoir le Seigneur. Car le laisserions-nous à l'estroit dedans nous, apres qu'il nous a eslargy de la sorte ses entrailles? Et si ces paroles de l'Apostre enuers les Corinthiens (ie parle à vous comme à mes enfans ) estoient tresmouuantes & pathetiques, representonsnous le Pere celesté nous les tenant en l'Euangile, en toutes les exhortations qu'il nous fait : & meditons combien nous deuons estre sensibles à la grace & à la charité qu'il nous a donnée d'estre

Tt :

nommez ses enfans.

Et quant à l'exhortation de l'Apostre de ne se pas accoupler auec les infideles, combien est-elle necessaire en ce temps où les interests du monde sont si puisfans, que moyennant quelque aduantage charnel, quelque dommage que la conscience en puisse receuoir, & quelque peril qu'elle puisse encourir, on ne refuse aucune liaison & societé auecles mondains, dequoy, apres, on void naistre la ruine de l'ame, & l'irreligion. O combien de personnes sont peries par là! ô que ceux là sont prudens qui euitent ces occasions de tentation! Et que les peres & meres sont sages qui pouruovent que leurs enfans n'y soient engagez, & les esloignent autant qu'il leur est poffible des estroites liaisons aues le monde. Mais le mal est que nous plions sous le joug de l'ambition & de l'auarice, & des voluptez charnelles, & pour cela fermons les yeux à tout peril de la conscience.

Et icy admirons la sage prouidence de Dieu, qui suscite contre nous la haine du monde, de peur que nostre engage-

ment

ment en ses amitiez & les liaisons que nous prendrions auec luy, ne nous détournast de son service & de son alliance.

Et combien auons nous icy à gemir des mariages contractez auec des perfonnes de Religion contraire, dont en suite nous voyons les funestes effects, ou en la reuolte des personnes qui les contractent, ou en vne persecution domestique attiree sur elles, ou en la perte de leurs ensans, dont les ames crient vengeance au Ciel contr'elles.

Mais il y a aussi à peser la raison alleguee par l'Apostre, pour soûtenir la defense de s'accoupler auec les insideles. Et
nous y trouuerons trois choses, la correction de nos mœurs, la condemnation
de nos Aduersaires, & des argumens de
consolation. Ie dy la correction de nos
mœurs. Car n'est il pas vray que si on
considere nostre vie, nous voulons ioindre ensemble la iustice auec l'iniquité,
la lumiere auec les tenebres, Christ auec
Belial, quand nous voulons que la profession que nous faisons de la pureté de
l'Euangile subsiste & s'adiuste auec nos

664 Ne s'accoupler auec les infideles. mœurs iniques & vicieuses? Nous voulons dans la lumiere que Dieu nous a presentee par sa parole, viure comme les enfans de tenebres, & participer à tous leurs pechez? Nous voulons que Christ s'accorde dedans nous auec Belial, c'est à dire auec nos conuoitifes charnelles, & nos passions diaboliques d'ambition, de haines, de paillardise & luxure. Nous voulons conjointement seruir à deux maistres, à Dieu, & à Mammon, c'est à dire aux richesses. Nous voulons estre le temple de Dieu, & neantmoins auoir l'or & l'argent ennos cœurs, comme des Idoles deuant lesquelles nos affections ployent le genouil. Car l'Apostre ne dit-il pas que l'auaricieux est idolatre? comme aussi quand il dit qu'il y en a defquels le Dieu est le ventre, n'entend-il pas que la gourmandise & l'yurognerie est vne idolatrie? & de mesme des autres passions, quand il dit qu'il y en a quisont amateurs de voluptés plustost que de Dieu?

Et si l'Apostre à ces mots de ne s'accoupler point auec les insideles, ioint qu'il n'y a point de participation de iustice auec iniquité, a-il pas presupposé que la iustice deuoit accompagner la vraye foy, aussi bien que le vice & l'iniquité accompagnent l'erreur? Ce qui monstre combien grand des honneur nous faisons à la verité de nostre soy, quand nostre vie & couersation n'est pas moins dans le vice & l'iniquité que celle des errans: & par consequent combien il est necessaire que nous nous amendions?

Et quant à nos Aduersaires : nous n'auons sinon à leur dire pour cette heure, que S. Paul iugeant incompatible letemple de Dieu auec les idoles, n'entendoit pas que les Chrestiens deussent auoir dás leurs temples des ouurages de main d'homme deuant lesquels ils se prosternassent, qui eussent bouche & ne parlassent point, yeux & ne vissent point, aureilles & n'ouissent point, mains & ne touchassent point, pieds & ne cheminassent point. L'Escriture exprimat ainsi au Ps. 115.les idoles des Gentils, & menaçant ceux qui les seruent de leur estre faits semblables, c. de deuenir sans jugement & sans sentimét pour les choses de Dieu.

Nous auős aussi à dire en passár, touchát ceux qui en nos iours & au temps de nos Peres ont parlé d'accorder les Religiós,

Ephef.

2.Tim.

que leurs propositions estoient d'accorder la lumiere auec les tenebres, Christ auec Belial, & le temple de Dieu auec les idoles. Et par consequent propositions impies & absurdes en elles mesmes, & frauduleuses quant à ceux qui des faisoient.

Finalement quant aux argumens de consolation, nous les auons icy euidens, à sçauoir que, nous separans des iniquitez du monde, & des tenebres d'erreurs & superstitions, Dieu nous regardera comme enfans de lumiere, comme membres de Iesus Christ son Fils, & comme temples de son S Esprit, pour nous benir, & nous couurir de sa protection, contre les efforts de Bolial & de ses supposts. Nous ayant donné la lumiere de son Euangile, & retiré des tenebres d'ombre de mort, il fera resplendiren nos ames les rayons de sa paix & de son amour, iusqu'à ce qu'il nous face contempler ceux de sa gloire. Nous ayant faits icy bas ses temples, il nous recueillira en son Paradis celeste; afin qu'ayant habité dedans nous en sa grace, nous habitions eternellement aues

Sermon XIII. 667 luy en la jouyssance de sa beatitude. A luy, Pere, Fils & S.Esprit, soit honneur & gloire à jamais.

## AMEN.

Prononcé à Charenton le 10. May 1654.

